

四庫全書

子部

欽定四庫全書

子部

王海卷五十九

詳校官給事中臣查善長

主事臣祁韻士覆勘

總校官進士臣朱 鈐

校對官修撰臣吳錫齡

謄錄監生臣胡先鳴

欽定四庫全書

玉海卷五十九

宋 王應麟 撰

藝文

詩

歌

詩大序曰詩者志之所之也在心為志發言為詩

之心

精微者發而為言言之成文者約而為詩

朱子曰以虞書攷之詩之作本

言志而已方其詩也未有歌也及其歌也未有樂也

以聲依永以律和聲則樂乃為詩而作非詩為樂而作也

葛天氏八闋

呂氏春秋仲夏紀昔葛天氏之樂三人捲

一作摻
一作持牛尾

投足以歌八闋一曰載民二曰玄鳥三曰遂草木四曰奮五穀五曰敬天常六曰建帝功七曰依地德八曰得方外之極注一本總萬物禽獸之極上林賦聽葛天氏之歌注張揖曰其樂三人歌八曲

堯古詩

列子仲尼篇堯治天下五十年游於康衢聞兒童謠曰
立我蒸民莫匪爾極不識不知順帝之則堯問誰教為
此言童兒曰我聞之大夫問大夫曰古詩也

舜南風詩

見琴類

禹康歌

隋食貨志禹制九等而康歌興周人十一而頌聲作

周九德歌

禮大司樂於宗廟之中奏之
左傳文七年晉郤缺曰
九功之德皆可歌也謂之九歌六府三事謂之九功
漢志國子學歌九德

周文公詩

周語富辰曰周文公之詩曰兄弟閱于牆外禦其侮
呂氏春秋周公旦乃作詩曰文王在上於昭于天

周祈招詩

左傳昭十二年楚右尹子革曰昔穆王欲肆其心祭公

謀父作祈招之詩

招樂名

曰祈招之悃悃云云形民之力

而無醉飽之心

家語作刑民

注祈父周司馬招其名

仲尼五章

史記樂書仲尼正樂以誘世作五章以刺時索隱曰孔子詩曰優哉游哉聊以卒歲是五章之刺見家語 伯夷傳賭軼詩可異焉即采薇之詩

漢二十八家歌詩

初詩

見樂章

宗廟歌詩

志高祖歌詩二篇泰一雜甘泉壽宮十四篇宗廟歌詩
五篇漢興以來兵所誅滅十四篇出行巡狩及游十篇
臨江王及節士四篇李夫人及幸貴人三篇詔賜中山
未央材人四篇吳楚汝南十五篇燕代謳鴈門雲中隴
西歌詩九篇邯鄲河間四篇齊鄭淮南各四篇左馮翊
京兆尹秦歌詩八篇河東蒲反一篇黃門倡車忠等十
五篇各有主名及雜歌詩十九篇雒陽四篇河南周歌
詩謠及聲曲折一百六十四篇諸神三篇送迎靈頌三

篇周歌詩二篇南郡五篇右歌詩二十八家三百一十
四篇自孝武立樂府采歌謠於是有代趙之謳秦楚之
風皆感於哀樂緣事而發亦可觀風俗知薄厚 樂志
采詩夜誦孔光奏夜誦負五人不可罷秦倡楚巴鉞齊
四會蔡齊謳皆鄭聲可罷

漢雅歌詩

志樂六家雅歌詩四篇

漢郊廟詩歌

禮樂志今漢郊廟詩歌未有祖宗之事八音調均又不
協於鐘律而內有掖庭材人外有上林樂府皆以鄭聲
施於朝廷

漢九歌

志郊祀歌天地八九歌畢奏斐然殊

漢韋孟諫詩

傳韋孟為楚王傅作詩風諫後去位徙家于鄒又作一
篇其諫詩曰踰踰諂夫号号黃髮如何我王曾不是察

致冰匪霜致隊匪嫚瞻惟我王昔靡不練在鄒詩曰其
夢如何夢爭王室其爭如何夢王我弼濟鄒魯禮
義唯恭誦習弦歌于異他邦 文選注有劉向劉歆
七言東方朔六言 五言見於周行露之章是
也

漢栢梁臺詩

見臺類

漢神爵齊祠詩歌

郊祀志神爵元年正月上始幸甘泉郊見泰時數有美
祥修武帝故事盛車服敬齋祠之禮頗作歌詩其三月
幸河東祠后土有神爵集改元 王褒傳神爵五鳳之
間天下殷富數有嘉應上頗作歌詩欲興協律之事丞
相魏相奏知音善鼓雅琴者召見待詔

漢中和樂職宣布詩

王褒傳益州刺史王襄欲宣風化於衆庶聞褒有俊才
使作中和樂職宣布詩選好事者令依鹿鳴之聲習而

歌之時汜鄉侯何武為僮子選在歌中久之武等學長
安歌太學下轉而上聞宣帝召見武等觀之皆賜帛曰
此盛德之事吾何足以當之褒既為刺史作頌又為其
傳注師古曰解釋頌歌之義及作者之意中和言政治
和平樂職言百官各得職宣布風化普洽 何武傳宣
帝時天下和平四夷賓服神爵五鳳之間屢蒙瑞應王
襄使辨士王褒頌漢德作中和樂職宣布詩三篇武年
十四五與成都楊覆衆等習歌之帝召見武等於宣室

文選襄作傳名曰四子講德

四子謂微斯文學虛儀夫子浮游先生陳丘子

也

微斯文學問於虛儀夫子曰云云攜手俱游歷于西州有二人焉乘輅而歌倚輓而聽之敢問所歌何詩浮游先生陳丘子曰所謂中和樂職宣布之詩益州刺史之所作也刺史見太上聖明股肱竭力德澤洪茂黎庶和睦天人並應累降瑞福故作三篇之詩以歌詠之也自刺史之來也宣布詔書勞來不怠令百姓徧曉聖德於是皇澤豐沛主恩滿溢百姓歡欣中和咸發是以作

而歌之也

甘泉頌曰詠中和之歌讀太平之頌

漢德象女師篇

外戚傳班婕妤誦詩及窈窕德象女師之篇注皆古箴

戒之書也詩外別有此篇

陳女圖以鏡監顧女史而問詩

漢歌詩四章

述鴻業十五章

古今注漢明帝為太子樂人作歌詩四章以贊其德一
曰日重光二曰月重輪三曰星重暉四曰海重潤 楊
終傳章帝東巡鳳皇黃龍並集終贊頌嘉瑞並述祖宗

鴻業十五章

漢白狼槃木詩

見朝貢類

漢詩

文苑傳王逸作漢詩百二十三篇

唐志逸集二卷

漢百官詩頌

見樂章類

魏百一詩

隋志應璩百一詩八卷應貞注 唐志八卷總集類李

夔百一詩集二卷

隋志晉李彪撰二卷
干寶百志詩九卷

文心雕龍應

璩百一辭譎義正亦魏之遺直也 晉陽秋璩作五言

詩百三十篇言時事頗有補益

文選載下
流一首

翰林論應

休璉五言詩百數十篇以風規治道蓋有詩人之旨焉

璩百一詩序云時謂曹爽曰公今聞周公巍巍
之稱安知百慮有一失乎百一之名蓋興於此

晉周詩 補亾詩

續詩

夏侯湛傳作昆弟誥云云初湛作周詩成以示潘岳岳

曰此文非徒溫雅乃別見孝悌之性岳因此遂作家風

詩 束皙傳著補亾詩

南陔白華華黍由庚崇丘由儀
詩序曰皙與司業疇人肄修

鄉飲之禮然所詠之詩或有義無辭音樂取節
闕而不備於是存思在昔補著其文以綴舊制

隋文

中子續詩三百六十篇十卷

晉郊廟歌詩

見樂章類

晉詩

索靖傳著五行三統正驗論又撰索子晉詩各二十卷

晉元正宴會詩

見元會類

唐志總集晉元正宴會詩集四卷伏滔袁豹謝靈運集

傅咸七經詩

春秋正義傅咸為七經詩王羲之寫

詩見初學記隋志咸集十七卷梁

三十卷

梁古今詩苑英華

隋志十九卷梁昭明太子撰唐志二十卷僧惠淨續

集二十卷劉孝孫古今類聚詩苑三十卷

舊史四卷

郭瑜

古今詩類聚七十九卷許凌詩林英選十一卷

總集類

宋朝太宗詔類文苑英華以楊徽之精於風雅命編詩

為百八十卷

隋志文林館詩府八卷

後齊

百國詩集

三十九卷

崔光撰

六代詩集抄

唐志許凌徐陵各四卷

唐開元八詩

孫逖傳開元中以起居舍人入為集賢修撰時海內少

事帝賜羣臣十日一燕宰臣蕭嵩會百官賦天成元澤
維南有山楊之華三月英英有蘭和風嘉木等八篇繼
雅頌體使遜序所以然

唐賜刺史詩

許景先傳開元十三年帝自擇刺史許景先等十一人
治行詔宰相諸王御史以上祖道洛濱盛具奏大常樂
帛舫水嬉命高力士賜詩帝親書且給筆紙令自賦賚
絹三千遺之 許景先由吏部侍郎為刺史治號大理

卿源光裕鄭州兵部侍郎寇泚宋州禮部侍郎鄭溫琦
邠州大理少卿袁仁敬杭州鴻臚少卿崔志廉襄州衛
尉少卿李昇期邢州太僕少卿鄭放定州國子司業蔣
挺湖州左衛將軍裴觀滄州衛率崔誠遂州凡十一人

唐賜三傑詩

宋璟傳開元十七年為尚書右丞相張說為左丞相源
乾曜為太子太傅同日拜有詔太官供食太常奏樂會
百官尚書省東堂帝賦三傑詩自寫以賜 蘇晉序谷

日于朔擇時于秋對命王庭受職公府

唐開元朝英集

志總集類朝英集三卷開元中張孝嵩出塞張九齡韓
休崔沔胡皓賀知章所撰送行歌詩

唐正聲詩集

舊史孫季良開元中為集賢院直學士撰正聲詩集三
卷元思敬撰詩人秀句兩卷

唐杜甫詩

書目二十卷王洙序云甫集初六十卷定取千四百五

篇凡古詩三百九十九近體千有六分十八卷別錄賦

及雜著二十九篇為二卷

合二十卷

又外集一卷三十五首

吳鑄為序

志杜甫集六十卷小集六卷樊晁集

狄遵度嗜

甫詩讚其集後

本傳贊唐興詩人承陳隋風流浮靡相矜至

宋之問沈佺期等研揣聲音浮切不差而號律詩競相

襲沿逮開元間稍裁以雅正然恃華者質反好麗者壯

違而人得一槩皆自名所長至甫渾涵汪茫千彙萬狀

兼古今而有之元稹謂詩人以來未有如子美者甫又

善陳時事律切精深至千言不少衰世號詩史韓愈於

文章慎許可至歌詩獨推李杜文章在光燄萬丈長誠

可信云

程子曰詩之盛莫如唐唐人善論文莫如韓愈愈之所稱獨高李杜

大歷十才

子盧綸吉中孚韓翎錢起司空曙苗發崔峒耿漳

夏侯審李端能詩齊名憲宗詔中書舍人張仲素訪

集遺文文宗尤愛綸詩悉索家笥得五百篇

唐曲江亭應制詩

劉太真傳德宗貞元四年

九月癸丑

重陽節賜百僚宴于曲

江亭帝自賦詩以清字為韻仍勅宰相擇文人應制賡

和李泌等請羣臣皆和詩成帝自加考校以李紆太真

等四人為上于邵鮑防等四人為中張濛二十三人為

下與擇者四十一人

會要作三十三人

惟泌晟燧三宰相無所

差次

按曲江亭為宴樂之地所謂江頭宮殿鎖千門是也

唐元和聖德詩

韓愈作凡千有二十四字

唐平淮夷雅

柳宗元作 皇武方城二篇

唐河嶽英靈集

志總集類殷璠二卷 書目集常建至閻防二十四人

詩總二百三十四首

各序其詩格於首 序曰貞觀標格漸高開元風骨始備

唐中興間氣集

志高仲武二卷 書目集至德大厯名人錢起張衆甫

等二十六人詩一百三十二首

序云五言詩一百四十七言附之

略品

叙其詩格且摘警句列於首

以至德興復風
雅復振故名

唐詩 唐詩類選

志李戡唐詩三卷 李戡傳常惡元和有元白詩多纖

艷不逞而世競重之乃集詩人之類夫古者斷為唐詩

以譏正其失 志顧陶唐詩類選二十卷

大中校書郎
書目凡一

千二百三十二
首分二十卷

詩評 詩品

志文史類顏竣詩例錄二卷鍾嶸詩評三卷 書目詩

評一卷自漢以來能詩者一百二十二人分三品為評

舊唐史李嗣真撰詩品一卷

王昌齡詩格

詩評序陳思

為建安之傑公幹仲宣為輔陸機為太康之英安仁景陽為輔謝客為元嘉之雄顏延年為輔此皆五言之冠
冕文辭之命世近彭城劉士章俊賞之士疾其淆亂欲為當世詩品口陳標榜其文未遂嶮感而作焉

唐百家詩選

書目二十卷以明皇德宗所製為首

唐絕句詩

宋朝淳熙中洪邁編唐人絕句詩為六帙後入翰林孝宗召對偶及宮中書扇事邁因以所編進上命宣復古殿書院邁自序謂初編得五千四百篇後採樂府小說諸詩撮其可讀者合為八十二卷

唐雅

宋朝仁宗時李及之進唐雅十篇

范師道進詠唐史詩五軸

仁宗時侍御史

太平興國升平詩

四年田錫獻升平詩三十章遷左拾遺直史館賜緋魚
萬適雍熙詩二百首 梁鼎著學古詩五十篇 真
宗祀汾陰錢易獻宋雅一篇

淳化賞花詩

三年三月丙午宴後苑上臨池釣魚詔羣臣賦詩特召
楊億賦詩御座之側因習射丁未以羣臣所賦賞花詩
五十二首付史館 宋綬祥符中從幸後苑賞花羣臣

皆賦詩命綬晏殊為序

祥符諸王唱酬詩

五年三月庚寅製諸王唱酬詩序示輔臣

鄴王安王及德潤德明詩

集序共四首

以集付秘閣六月甲寅內出續求訪安王詩筆

示輔臣上作序冠篇仍付秘閣

徐王元偓獻與允中

唱和詩一卷製序賜之後取其歌詩文記纂為六卷墨

跡三卷上親作二序命藏秘府

又見御詩類

祥符玉宸殿賦詩

見觀書類

天禧賀建儲闈禮成詩

見冊禮類

天聖清輝殿賦詩 藥珠殿賦詩

四年四月乙卯出後苑雙頭牡丹圖示輔臣令館閣獻
詩賦兩制自章得象以下十三人三館自康孝基以下

二十七人歌詩一百四十篇

表云永平神爵之頌孝明
稱美者五人貞元重九之

篇德宗考
第於三等

八年三月十九日壬申觀唐明皇山水字石

于清輝殿命從臣作歌詩中書第優劣秘閣校理韓義
辭獨不成八月六日丁亥天章閣觀書元真殿觀穀宴
藥珠殿宰臣以下賦詩九年三月十七日賞花釣魚命
從臣賦詩以新字
為韻閏十月戊辰宴太清樓從臣賦詩各
一篇

皇雅

尹洙撰十篇天監西師耆武憲古大鹵帝籍庶土帝制
皇治太平

皇朝玉堂詩

書目三十二卷集皇朝詩歌以神宗御製元豐宮詞等
十五篇為首

宋百家詩選

曾慥紹興中采名人詩起寇準終葉夢得併記其行事
凡五十卷如歐蘇王黃之詩為世所傳者皆不載又續
選二十卷

紹興中興復古詩

十八年七月癸未敷文閣待制張嶠獻之八月二十七日詔嘉獎

紹興聖統詩 中興聖德詩

十八年黃友端進紹興聖統詩一篇二月十七日詔免
解二十一年十一月二日程端厚獻聖德詩除直徽猷
閣二十二年九月二十四日劉一止進中興聖德詩除
敷文待制十一月十一日錢周材進紹興聖德詩除集
英修撰

嘉定熙朝盛典詩

二卷趙師異撰嘉定九年取郊祀明堂大朝會孟饗典禮為一百四十二詩紀儀文之盛

次韻作詩於古無有高嚴韋郭來往杜少陵間不

過和意

自元白諸人
茲體稍出

五言詩之源生於國風廣

於離騷著於李蘇盛於曹劉 鄭都則七子均賦

梁苑則三英接曲唱酬之制由是生焉 詩為樂

心聲為樂體樂體在聲瞽師務調其器樂心在詩

君子宜正其文樂辭曰詩詩聲曰歌 文心雕龍

王澤殄竭風人輟采春秋觀志諷誦舊章逮楚國

諷怨則離騷為刺秦皇滅典亦造僊詩史記始皇使博士為

仙真人詩及行所游天下傳令樂人誦弦之漢成帝品錄三百餘篇朝

章國采亦云周備而辭人遺翰莫見五言所以李

陵贈蘇班詩班婕妤怨歌行見疑於後代也案召南行露

始肇半章孺子滄浪亦有全曲則五言久矣又古

詩佳麗或稱枚叔文選注古詩蓋不知作者或云枚乘其孤竹一篇

則傳毅之詞

古詩有冉
丹生孤竹

至於張衡怨篇清典可味

見文選注
太平御覽

仙詩緩歌雅有新聲暨建安初五言騰

踴晉世羣才稍入輕綺江左篇製溺乎玄風 朱

文公曰古今之詩凡有三變蓋自書傳所記虞夏
以來下及漢魏自為一等自晉宋間顏謝以後下
及唐初自為一等自沈宋以後定著律詩下及今
日又為一等然自唐初以前其為詩者固有高下
而法猶未變至律詩出而後詩之與法始皆大變

以至今日益巧益密而無復古人之風矣 歐陽
文忠公曰古者登歌清廟太師掌之諸侯之國亦
各有詩以道其風土性情至於投壺饗射必使工
歌以達其意以為賓樂蓋詩者樂之苗裔與漢之
蘇李魏之曹劉得其正始宋齊而下得其浮淫流
佚唐之時子昂李杜沈宋王維之徒或得其淳古淡
泊之聲或得其舒和高暢之節而孟郊賈島之徒又
得其悲愁鬱堙之氣 敖陶孫器之評詩曰魏武帝如

幽燕老將氣韻沈雄曹子建如三河少年風流自賞鮑
明遠如饑鷹獨出奇矯無前謝康樂如東海揚帆風日
流麗陶彭澤如絳雲在霄舒卷自如王右丞如秋水芙
蓉倚風自笑韋蘇州如園客獨繭暗合音徽孟浩然如
洞庭始波木葉微脫杜牧之如銅丸走坂駿馬注坡白
樂天如山東父老課農桑事事言言皆著實元微之如
李龜年說天寶遺事貌悴而神不傷劉夢得如鏤冰雕
瓊流光自照李太白如劉安雞犬遺響白雲覈其歸存

悅無定處韓退之如囊沙背水惟韓信獨能李長吉如
武帝食露槃無補多欲孟東野如埋泉斷劍臥壑寒松
張籍如優工行鄉飲醕獻秩如時有詼氣柳子厚如高
秋獨眺霽晚孤吹李義山如百寶流蘇千絲鐵網綺密
瓌妍要非適用本朝蘇東坡如屈注天潢倒連滄海變
眩百怪終歸雄渾歐公如四瑚八璣止可施之宗廟荆
公如鄧艾縋兵入蜀要以險絕為功山谷如弘景
祇詔入官析理談玄而松風之夢故在梅聖俞如

關河放溜瞬息無聲秦少游如時女步春終傷婉
弱后山如九皋獨淚深林孤芳沖寂自妍不求識
賞韓子蒼如梨園按樂排比得倫呂居仁如散聖
安禪自能竒逸其他作者未易殫陳獨唐杜工部
如周公制作後世莫能擬議鞏仲至曰漱六藝
之芳潤以求真澹
黃魯直曰以俗為雅以故為新百戰百勝如孫吳
之兵棘端可以破鏃如甘蠅飛衛之射此詩人之
竒也

賦

文章流別論曰賦者敷陳之稱釋名曰敷布其義謂之賦

漢詩賦五種 詩賦百六家

藝文志自屈原二十五篇至王褒十六篇凡賦二十家
三百六十二篇自陸賈三篇至朱宇三篇賦二十一家
二百七十四篇入揚雄八篇自孫卿十篇至路恭八篇賦二
十五家百三十六篇自客主賦十八篇至隱書十八篇

凡雜賦十二家二百三十三篇自高祖歌詩二篇至南
郡歌詩五篇凡歌詩二十八家三百一十四篇凡詩賦
百六家千三百一十八篇

入揚雄
八篇

登高能賦可以為大

夫春秋之後大儒孫卿及楚臣屈原離讒憂國皆作賦
以風咸有惻隱古詩之義其後宋玉唐勒漢興枚乘司
馬相如下及揚子雲競為侈麗闕行之詞沒其風諭之
義是以揚子悔之自孝武立樂府而采歌謠於是代
趙之謳秦楚之風皆感於哀樂亦可以觀風俗知薄厚

云序詩賦為五種

六義附庸
蔚成大國

兩都賦序武宣之世崇

禮官考文章云云孝成之世論而錄之奏御者千有餘

篇

漢皇太子生賦 八言七言詩 魏贊述太子

賦

枚臯傳武帝春秋二十九乃得皇子羣臣喜故臯與東

方朔作皇太子生賦

元朔元年春

及立皇子襟祝受詔所為

皆不從故事重皇子故也衛后立臯奏賦以戒終從行

至甘泉雍河東東巡狩封泰山塞決河宣房游觀三輔

離宮館臨山澤弋獵射馭狗馬楚鞠刻鏤上有所感輒

使賦之

凡可讀者
百二十篇

東方朔傳朔之文辭有封泰山責

和氏璧及皇太子生襍屏風殿上栢柱平樂觀賦獵八

言七言上下

晉灼曰八言七言
詩各有上下篇

王褒傳虞侍太子作

甘泉洞簫頌太子令後宮左右誦讀之 志枚臯賦百

二十篇王褒賦十六篇

隋唐志王
褒集五卷

文選有洞簫賦

藝文類聚有甘泉宮頌

魏卞蘭有贊述太子賦

曹

植有皇子生頌

漢司馬遷賦 相如賦

志司馬遷賦八篇司馬相如賦二十九篇

漢揚雄賦

志十二篇 揚雄傳蜀有司馬相如作賦弘麗溫雅雄
心壯之擬以為式作反離騷廣騷又旁惜誦以下至懷
沙一卷名曰畔牢愁成帝時正月從上甘泉還奏甘泉
賦以風三月將祭后土還上河東賦以勸十二月羽獵

因校獵賦以風明年從至射熊館還上長楊賦藉翰林
為主人子墨為客卿以風 文選注引揚雄蜀都賦太
玄賦覈靈賦又引釋愁 北史司馬膺之好讀太玄經
又注雄蜀都賦

漢四賦

揚雄傳辭莫麗於相如作四賦

甘泉河東
校獵長楊

漢頌德賦

志雜賦有雜行出及頌德賦二十四篇雜四夷及兵賦

二十篇

漢論都賦

杜篤傳光武時以關中表裏山河先帝舊京不宜改營

雒邑上論都賦

唐志杜篤集五卷隋志一卷

王景傳杜陵杜篤奏

上論都欲令車駕遷還長安景以宮廟已立恐人情疑惑會有神雀諸瑞乃作金人論頌洛邑之美天人之符

漢兩都賦

班固傳時京師脩起宮室濬治城隍而關中耆老猶望

朝廷西顧固乃上兩都賦

西都東都

盛稱洛邑制度之美以

折西賓淫侈之論

隋志班固集十七卷

東都賦有五篇之詩明

堂辟雍靈臺寶鼎白雉

漢二京賦

張衡傳天下太平日久王侯踰侈乃擬兩都作二

京賦因以諷諫十年乃成

隋志張衡集十一卷

隋志薛綜

注張衡二京賦二卷

吳薛綜述二京解一云薛綜音

衡又作

南都賦 傅毅有洛都賦

唐李庾作西都東都

賦

漢神爵賦

隋志二卷傅毅撰

唐志毅集五卷隋志二卷

魏趙都許都洛都賦

劉劭傳作趙都賦明帝美之詔劭作許都洛都賦時外

興軍旅內營宮室劭作二賦皆諷諫焉

隋志劉劭集二卷

文

選注引何楨許都賦吳質魏都賦 水經注引徐幹齊

都賦

晉三都賦

左思傳思辭藻壯麗造齊都賦一年乃成

隋志二卷并音

復欲

賦三都詣張載訪岷邛之事構思十年門庭藩溷皆著
筆紙遇得一句即便疏之自以所見不博求為祕書郎
賦成皇甫謐為其序張載為注魏都劉逵注吳蜀而序
之衛瓘又作略解張華見而嘆曰班張之流也使讀之
者盡而有餘久而益新於是豪貴之家競相傳寫洛陽
為之紙貴

隋志左思集二卷梁有五卷

隋志五都賦六卷張衡左思

孫綽紀重張衡左思之賦每云三都二京五經之鼓吹也

文選注引劉楨魯都賦

曰蓋如飛鶴馬似遊魚

晉揚都賦

庾闡傳為給事中吳國內史虞潭為太伯立碑闡制其

文又作揚都賦為世所重曹毘亦著揚都賦亞於闡

隋志

闡集九卷
毘集十卷

世說庾闡揚都賦成庾亮云可三二京四

三都於是人人競寫都下為之紙貴

晉天地賦

成公綏傳為天地賦張華重其文以為絕倫

隋志成公綏集九卷

梁十卷

晉中興賦

王廙傳丞相導從弟為荊州刺史元帝即位奏中興賦曰雖未足宣揚盛美亦詩人嗟嘆詠歌之義也

隋志廙集十卷

晉南郊賦

郭璞傳詞賦為中興之冠作南郊賦帝嘉之以為著作

佐郎

水經注引南郊賦

璞著江賦辭甚偉

隋志璞集十七卷

晉朝會賦

南齊樂志角抵像形雜伎漢世張衡西京賦是其始也
魏世則事見陳思王樂府宴樂篇晉世則見傅玄元正
篇朝會賦 禮志傅玄朝會賦云華燈若乎火樹熾百
枝之煌煌 隋志玄集十五
卷梁五十卷

唐述聖賦 惟皇誠德賦 大寶箴 玉諫真

記

謝偃傳太宗朝為弘文館直學士帝召見欲偃作賦先

為序一篇言天下乂安功德茂盛意授偃使賦偃緣帝
旨名篇曰述聖帝悅賜帛數十初帝即位張蘊古上大
寶箴諫帝以民畏而未懷其辭挺切擢大理丞偃又獻
惟皇誠德賦其序大畧言治忘亂安忘危逸忘勞得忘
失四者人主莫不然是以聖人處宮室則思前王所以
亡朝萬國則思已之所以尊循府庫則思今之所以得
視功臣則思輔佐之始見名將則思用力之初如此則
人無易心天下何患不化哉旦行之堯舜暮失之桀紂

豈異人哉蓋規帝成功而自處至難云又撰玉謀真紀

以勸封禪

李百藥工詩而偃善賦時稱李詩謝賦志謝偃集十卷

舊史惟皇誠

德賦慮失者常得懷安者必危是以戰戰慄慄日謹一

日守約守儉去奢去逸惟賢是授惟民所恤則四

皇不足五六帝不足七若夫忠良是棄諂佞斯獎

則夏桀可二殷辛易兩太宗御製述聖賦序

見文

苑英華

宋朝天聖四年閏五月宋綬錄進惟皇誠

德賦

唐贊道賦

李百藥傳貞觀四年

政要云五年

授太子右庶子太子戲嫖

無度乃作贊道賦以諷他日帝曰朕見卿賦述古儲貳
事勸勵甚詳賜綵三百段馬一匹 賦畧曰惟忠與敬

曰孝與仁則可以下光四海上燭三辰禮賢於秋實歸
道於春卿異洞簫之虞侍殊飛蓋之緣情 見貞觀政要

唐清暑賦

崔仁師傳太宗幸翠微宮上清暑賦以諷帝稱善賜帛

五十段

唐太一樞會賦

志五行類李淳風太一樞會賦一卷玄宗注

唐南郊賦

徐彥伯傳會郊祭上南郊賦辭致典縟

見文苑英華

唐三大禮賦

玄宗天寶十三載杜甫進朝獻大清宮朝享大廟有事于南郊三大禮賦投延恩匭 舊史天寶末獻三大禮

賦玄宗奇之召試文章

唐含元殿賦

李華傳著含元殿賦萬餘言蕭穎士曰景福之上靈光
之下

唐大明賦

見箴類

唐海潮賦

志盧肇一卷

魯史分門屬類賦

見春秋類

楊鈞三卷以左氏事類分十門各為律賦一篇乾德四年秦御詔褒之

乾德五鳳樓賦

乾德中梁周翰獻擬制二十篇擢為右拾遺會修大內上五鳳樓賦

端拱事類賦

端拱中祕閣校理吳淑撰百篇以獻詔令注釋淳化四

年成三十卷九月庚寅朔以為水部郎咸平中淑以浚
郊上都累聖丕業作論都賦以獻

淳化東西京賦

淳化三年三月賜楊億及第億年十二讀書祕閣因擬
文選兩京賦作東西京賦以進太宗嘉之詔學士院試
舒州進甘露頌帝益賞其才咸平四年二月五日錢惟
演獻東京賦 吳淑作論都賦 淳化三年春和蒙獻
觀燈賦付史館

咸平宋都賦

咸平四年八月乙未直史館劉蒙叟上章獻宋都賦述
皇宋由茲地建號宜升宋州為都立祖宗廟上嘉之命
史館檢故事以聞 王仲粦作南都賦

咸平春秋字源賦

楊文舉注尹玉羽春秋字源賦咸平四年正月乙酉知
河南府李至上之以賦送祕閣 徐錯賦苑二百卷

祥符皇子冠禮賦

祥符八年十二月戊子著作佐郎晏殊上皇子冠禮賦
詔獎之

元豐汴都賦

元豐七年三月壬戌以太學生周邦彥為太學正邦彥
獻汴都賦故擢之

紹興三都賦

紹興十三年三月二十八日王鈇上親饗太廟賦除直
徽猷閣十五年十一月癸亥高袞獻二都賦與教官十

七年十二月十三日施諤進中興頌一篇紹興雅十篇
行都賦一首免解

淳熙明堂賦 頌堯賦

見後

河圖天地二運賦

崇文目卜筮類一卷論天地二運蓋三命書也不著撰
人

歷代紀元賦

書目一卷皇朝楊備撰次漢至五代正統年號為賦一

首又別為宋頌四章

梁武帝歷代賦

見御製

後周扈

載次歷代有國廢興治亂之迹為運源賦甚詳 趙鄰

幾作禹別九州賦萬餘言

范諷獻東封賦

鞠常著

四時成歲賦萬餘言

錢熙作四夷來王賦以獻凡萬

餘言太宗嘉歎以為直史館

文心雕龍曰賦者受命於詩人而拓宇於楚辭也

於是荀況禮智

漢志荀卿賦十篇今其存者成相
侂詩并賦篇而七賦篇曰禮曰知

曰蠶曰宋玉風鈞見文選爰錫名號秦世頗有雜

賦漢志秦時雜賦九篇漢初辭人陸賈扣其端志二賈誼振

其緒七篇枚馬同其風枚乘九篇相王揚騁其勢王

十六篇揚雄十二篇觀夫荀結隱語宋發巧談枚乘菟園見

文藝文類聚相如上林賈誼鵬鳥子淵洞簫孟堅兩都

張衡二京子雲甘泉延壽靈光此十家並辭賦之

英傑也仲宣王靡密偉長徐博通太沖左安仁潘

策勲於鴻規士衡陸子安成底績於流制景純

郭璞

綺巧彦伯

袁宏

梗槩亦魏晉之賦首也原夫登高

之旨蓋覩物興情情以物興故義必明雅物以情
觀故詞必巧麗文雖新而有質色雖糅而有儀此
立賦之大體也 流別論曰古詩之賦以情義為

主以事類為佐今之賦以事形為本以義正為助
情義為才則言省而文有例事形為本則言富而
辭無常文之煩省辭之險易蓋由於此 盛覽問
司馬相如以作賦相如曰合碁組以成文列錦繡

而為質一經一緯一宮一商此賦之迹也賦家之心包括宇宙揔覽人物斯乃得之於內不可得而傳

箴

胡廣曰箴諫之興所由尚矣聖君求之於下忠臣納之於上劉勰曰箴者所以攻疾防患喻鍼石也

夏箴

文傳篇

見御製類

胡廣百官箴序曰墨子著書稱夏

箴之辭 後魏李彪云傳著夏氏之箴詩錄商家之頌
王元長策秀才文注引周書夏箴

商箴

呂氏春秋有始覽第一名類篇商箴云天降災
布祥並有其職以言禍福人或名之也 文心
雕龍夏商二箴餘句頗存 盤庚無伏小人之
攸箴

周庭燎箴

詩庭燎美宣王也。因以箴之。郊特牲注庭燎之差天子百公蓋五十侯伯子男皆三十。

周師箴 周箴

周語召公曰：天子聽政，使公卿至於列士獻詩，瞽獻典，史獻書，師箴，矇賦，矇誦，百工諫，庶人傳語，近臣盡規，親戚補察，瞽史教誨，耆艾修之，而後王斟酌焉。

注師小師也。箴刺王。

闕以正得失。

左氏傳：晉師曠曰：史為書，瞽為詩，工誦箴諫。

大夫規誨，士傳言，庶人誦商旅于市，百工獻藝。楚語。

衛武公箴傲於國作懿戒以自儆 殷武丁得傳說升

以為公使朝夕規誨箴諫曰必交修余無余棄也齊桓
晉文近臣諫遠臣誨輿人誦以自誥也 呂氏春秋有

始覽謹聽篇不知則問不能則學周箴曰夫自念斯學
德未暮學賢問三代之所以昌也 後周蕭圓肅太

子箴曰惟王建國辨方正位必立太子為皇之貳
是以易稱明兩禮云上嗣東庠養德震方主噐左
史書言右史書事東髮就學宵雅夙肄朝夕百篇

乙夜乃寐愛日惜力寸陰無弃視膳再飯寢門三至小心翼翼大孝烝烝詢謀計慮問對疑丞安樂必敬無忘戰兢天道福謙人道惡盈漢嗣不絕乎馳道魏儲回環乎鄴城前史攸載後世揚名三善旣備萬國以貞姬周長久實係元良嬴秦短祚亦由少陽雖卜年七百有德彌昌數世一萬無德亟亡敬之敬之天維顯思光副皇極永固洪基宮臣再拜敢告職司

周虞人箴 楚箴

左傳襄七年魏絳曰昔周辛甲之為太史也

武王
大史

命百

官官箴王缺

箴莫善於虞箴各以
其官所掌而為箴辭

於虞人之箴曰芒芒

禹跡畫為九州經啟九道民有寢廟獸有茂草各有攸

處德用不擾在帝夷羿冒于原獸忘其國恤而思其鹿

牡武不可重用不恢于夏家獸人司原敢告僕夫疏云

虞人掌獵故以獵為箴 楚語曰民生在勤勤則不匱

楚有箴尹之官 文心雕龍曰魏絳諷君於后羿楚子

訓民於在勤 衛武公在輿有旅賁之規居寢有贄御

之箴

周大正箴

見刑制

漢百官箴

胡廣傳

又春秋正義

初揚雄依虞箴作十二州箴二十五官

箴其九箴亡缺其後涿郡崔駰及子瑗

子玉

又臨邑侯劉

駰駮增補十六篇

正義云瑗子定世補其闕

太傅胡廣復繼作四篇

文甚典美乃悉撰次首目為之解釋名百官箴凡四十

八篇

春秋正義云皆放虞箴為之

揚雄傳雄以為箴莫善於虞箴

作州箴

注九州之箴也 選注引益州箴 古文苑所載止四十一篇

十二州箴

莫

充青徐

揚荆

豫

官箴揚雄十二

光祿勳

梁雍幽并交

衛尉

太僕

廷尉

大鴻臚

宗正

大司農

少府

執金吾

將作大匠

城門校尉

上林苑令

崔駰七

太常 太尉 河南尹 司徒 大理 尚書

崔寔一

諫大夫

崔子玉九

尚書 博士 東觀 闕都尉 河隄謁者 郡太守 北軍中候 侍中 司隸校尉

書目二十四箴一卷揚雄撰州箴十二衛尉等箴十

二 文心雕龍揚雄稽古始範虞箴卿尹州牧二十五

篇及崔胡補綴摠稱百官指事配位鑿鑑可徵所謂追
清風於前古攀辛甲於後代 藝文志揚雄所序三十

八篇箴二

唐志雄
集五卷

文選注引揚雄衛尉箴又引城門

校尉箴國三老箴又侍中箴曰光光常伯又引劉駟駢

郡太守箴 太平御覽引揚雄太官令箴太史令箴胡

廣邊都尉箴又引胡廣百官箴序 班固傳注引揚雄

司空箴曰普彼坤靈侔天作合 光武紀注引崔

瑗中壘校尉箴 梁天監六年袁峻擬揚雄官箴

奏之

漢酒箴

陳遵傳黃門侍郎揚雄作酒箴以諷諫成帝其文為酒
客難法度士譬之於物曰子猶瓶矣觀瓶之居居井之
眉自用如此不如鴟夷 後崔駰傳著酒箴
後魏高允上酒訓高祖悅之常置左右

御覽引
駰酒箴

漢尚書箴

初學記後漢繁欽尚書箴云云

藝文類聚揚雄尚書

箴 晉傅玄吏部尚書箴云易貴好爵書謹官人衡人

司書 胡廣侍中箴云云 崔德正大理箴 晉張華

大司農箴

漢中壘校尉箴 司空箴

光武紀注崔瑗中壘校尉箴曰堂堂黃帝設為壘壁

班固傳注引揚雄司空箴

見上

漢外戚箴

崔琦傳初舉孝廉為郎梁冀聞其才請與交冀行多不

軌琦數引古今成敗以戒之冀不能受乃作外戚箴

隋志

琦集一卷

其畧曰履道者固杖勢者危

漢督軍御史箴

高彪傳第五永為督軍御史使督幽州百官大會祖餞於長樂觀議郎蔡邕等皆賦詩彪獨作箴畧曰古之君子即戎忘身無曰已能務在求賢淮陰之勇廣武是尊

唐志彪集二卷

晉女史箴 唐彤史

張華傳懼后族之盛作女史箴以諷曰婦德尚柔含章
貞吉樊姬感莊不食鮮禽衛女矯桓耳忘和音志厲義
高二主易心玄熊攀檻馮媛趨進夫豈無畏知死不吝
班女有辭割歡同輦夫豈無懷防微慮遠懼不可以瀆
寵不可以專專實生慢愛極則遷

隋志華
集十卷

裴頤亦有女

史箴 皇甫規女師箴 傅幹皇后箴 隋志有女史

箴圖一卷 詩貽我彤管毛氏曰古者后夫人必有女

史彤管之法 石氏星經有女史一星 周禮女史八

人掌王后之禮職以詔后理內政統內官書內令 唐
志尚儀局彤史二人正六品有女史二人

晉保傅箴 太師箴

職官分紀王虞之保傅箴曰保傅之賢明宗國用寧
嵇康傳作太師箴亦足以明帝王之道

晉丞相箴 尚書令箴

藝文類聚晉陸機丞相箴曰導民在簡為政以仁 文
選注摯虞尚書令箴曰補我袞闕闡我王猷

晉乘輿箴

潘尼傳為著作郎為乘輿箴以為王者膺受命之期揔萬機而撫四海簡羣才而審所授孜孜於得人汲汲於聞過不敢斥至尊故以乘輿名篇

晉侍臣箴

溫嶠傳遷太子中庶子深見寵遇太子與為布衣之交數陳規諷又獻侍臣箴其畧云不以賢自盛不以貴為榮思有虞之蒸蒸尊周文之翼翼屏彼佞諛納此亮直

傅玄有太子少傅箴 後周蕭圓肅作少傅箴 齊
王攸為太傅獻箴曰固親以道修身以敬

晉國子箴

王濟傳云云 文心雕龍曰潘勗符節要而失淺溫嶠侍
臣博而患繁王濟國子文多事寡潘尼乘輿義正體蕪
初學記晉成公綏市長箴

晉選曹箴 學箴

李重傳為選曹尚書著選曹箴置左右以明審才之宜

隋志李重集二卷
傅玄有吏部尚書箴

通鑑咸康四年六月王導以李

克為丞相掾克好刑名之學深抑虛浮之士著學箴曰

名之攸彰道之攸廢

李克集二
十二卷

晉逸士箴

江道傳著阮藉序贊逸士箴

見藝文
類聚

又庾凱幽人箴

御史箴

初學記崔篆御史箴曰簡上霜凝筆端風起 傅咸御

史中丞箴執憲之綱秉國之憲

梁武帝凡百箴

見藝
文類

聚

隋匠人箴 刺史箴

杜正藏舉秀才蘇威監試擬匠人箴弓銘 何妥為龍
州刺史為刺史箴勒于州門外

唐大寶箴

謝偃傳太宗即位直中書省張蘊古上大寶箴諷帝以
民畏而未懷其辭挺切擢大理丞舊史有傳 通鑑武德九
年十二月前幽州記室直中書省張蘊古上 貞觀政

要張蘊古以貞觀二年幽州摠管記室兼直中書省奏
上宋真宗時景德初陳彭年於誕節亦獻大寶箴曰
任賢勿貳堯所以昌改過不吝湯所以王

唐承華箴

李義府傳晉王為太子義府除舍人獻箴云佞諛有類
邪巧多方其萌不絕其害必彰義府方諂事太子而文
致若謹直者太子表之優詔賜帛周王褒有皇太子

箴

見東
宮類

唐清白箴

許圜師傳高宗時圜師為相州刺史以寬治人州刻石
頌美部有受賅者不忍案但賜清白箴其人自愧更為
廉士

唐諭善箴

韋承慶傳儀鳳中太子監國承慶為司議郎進諭善箴
唐獄官箴

裴諝傳德宗即位諝惡法吏舞文獻獄官箴 文粹張

說有獄箴

唐君臣箴

杜希全傳德宗時為朔方節度奉天之狩引兵赴難賊
平遷靈鹽夏豐節度使將即屯獻體要八章帝嘉納之
賜君臣箴一篇 會要貞元九年十二月賜君臣箴大
畧曰在昔稷契實正舜禹逮茲魏徵佑我文祖肆予寡
昧獲纘丕緒臣哉鄰哉爾翼爾輔高秋始肅我武維揚
輟屯禁衛殿於大邦戀闕方甚嘉言乃昌總彼千慮備

于八章宣父有言起予者商汝其夙夜明保朕躬毋曰
爾身在外爾誠不通善言之應千里攸同導彼遐俗達
于四聰華夷仰德時乃之風又曰商有盤銘周有欵器
或戒以辭或警以事

唐尚書二十四司箴

柳仲郢傳著尚書二十四司箴韓愈見之大加咨賞

選注引摯虞尚書令箴曰補我袞闕闡我王猷

初學記
云張華

唐龍樓箴

龍樓
門名

見東宮類 歸登獻龍樓箴以諷皇太子 元和四年
十月癸巳登以工侍克太子諸王侍讀

唐太醫箴

柳公綽傳唐憲宗喜武功數出游畋元和五年

舊紀十一月丙

寅柳公綽奏太醫箴以諷帝高其才遣使謂曰卿言氣
行無間隙不在大愛朕深者當置之坐隅踰月

十二月壬午

自吏部郎中拜御史中丞 會要元和五年十一月吏

部郎中柳公綽獻太醫箴 崔實太醫令箴動不肆勤

靜不宴逸

唐丹扈六箴

李德裕傳敬宗荒淫數遊幸狎比羣小聽朝簡忽德裕
為浙西觀察上丹扈六箴表曰臣在先朝屬多陰沴嘗
獻大明賦以諷今日盡節明主亦猶是也其一曰宵衣
諷視朝希晚也二曰正服諷服御非法也三曰罷獻諷
歛求怪珍也四曰納誨諷弃忠言也五曰辨邪諷任羣
小也六曰防微諷偽遊輕出也詞皆明直婉切帝雖不

能用猶敕學士韋處厚諄諄作詔謝其意 通鑒寶歷
元年壬午德裕獻之

唐續虞人箴

白居易傳穆宗好畋游獻續虞人箴以諷曰唐受天命
十有二聖兢兢業業咸勤厥政鳥生深林獸在豐草春
蒐冬狩取之以道鳥獸蟲魚各遂其生民野君朝亦克
用寧在昔玄祖厥訓孔彰馳騁田獵俾心發狂何以效
之曰羿與康曾不是戒終然覆亡高祖方獵蘇長進言

不滿十旬未足為歡上心既悟為之輟改降及宋璟亦
諫玄宗溫顏聽納獻替從容璟趨以出鷄死握中噫逐
獸于野走馬于路豈不快哉銜橛可懼審其安危惟聖

之慮

集云元和十五年

唐縣令箴

文苑英華李磻授李昌緯縣令制云宣帝命明法吏刪
刑書為統類十篇盡出繁詞而獨著元結縣令箴是於
養人之官殷勤深切矣

古之奇有縣令箴並見文粹

唐霸國箴

志別集李靖一卷 文粹梁肅有兵箴

雍熙守成箴

宋大初傳雍熙三年通判成都府會詔求直言作守成箴以獻

端拱箴

端拱元年右拾遺直史館王禹偁初拜即日獻端拱箴一篇極陳規諷表曰夏后有盤盂之銘周王有几杖之

誠敢證斯義用導愚衷又上禦戎十事

咸平鳳宸箴

國史張知白傳咸平中奏疏曰內和人心而後可以寧
夷狄此崇陽抑陰之義也真宗覽而異之召試舍人院
擢右正言獻鳳宸箴

景德續丹宸箴 景祐斧宸箴 紹興黼宸箴

景德元年二月進士柳察續李德裕丹宸箴五篇以獻
庚申召試賜出身 察又擬白居易作策問七十五篇

目為贊聖策材 景祐元年太子少傅晁迥獻斧宸慎

刑箴大順審刑頌 紹興八年十二月丁卯王揚英為

太常博士揚英獻所著黼宸箴

會要作誠

十二篇上召對而

有是命

書目揚英黼宸誠一卷

會要十一月二十三日詔錄本

進入當置坐右朝夕觀省又與召對

景德大寶箴

陳彭年傳景德初修起居注獻大寶箴

景祐金華五箴 聖治箴

景祐三年七月乙酉翰林侍讀學士馮元上金華五箴
有詔褒答三司判官謝絳言事進聖治五箴曰紹聞馭
臣內戒慎命敬變云

或云絳獻
大寶箴

康定居安謹治箴

康定元年四月丁亥梁適為右正言初適進居安謹治
箴擢開封推官不半歲踐諫職

康定四箴 太宗御書曲禮

祕閣書有太宗御書曲禮

字為
行書

首篇四句曰教不可長

欲不可縱志不可滿樂不可極康定二年七月張方平
在諫垣廣其義為四箴以獻序曰王者奉若天命以臨
萬方謹乃迪德無時怠豫以義制事以禮制心以輯寧
邦家用咸和萬民于後佚王罔自抑畏罔顧謨天之明
命以若先民攸訓不迪率典德用弗類故人君保邦制
治之道慎厥身修思永茲惟艱哉太宗形於翰墨先帝
緘諸祕府將以嘉言善訓貽為孫謨豈唯筆精墨妙云

爾

四箴

教欲
志樂

慶厯勸講箴

慶厯四年二月丙辰御迎陽門命曾公亮講詩王洙講
祖宗聖政錄丁度讀前漢書初元吳叛罷講筵趙師民

獻勸講箴

見文鑑

至是復命講

淳熙三年侍講李燾以

經筵少開錄是箴以諷 端平三年正月侍讀洪咨夔

獻緝熙箴

皇祐宗室寶箴 六箴

見宗戚類

治平皇極箴

治平元年十二月庚子知制誥祖無擇獻皇極箴英宗善其言詔褒答之真宗初詔羣臣言事右司諫梁顥作聽政箴以獻淳熙元年李燾上快箴引太祖退朝悔乘快決事以諫上曰朕當揭之坐隅

紹興文思箴

紹興二十六年秘書郎唐文若為文思箴以獻其略曰

於赫我皇兵既休矣休兵如何莫如治兵居安思危邦
乃攸寧爰整其旅文王以興載舞干羽舜仁用成向戌
弭兵春秋所懲蕭俛去兵既亂乃萌又曰兵非以殘以
兵休兵凡千五百餘言當時避之


選德殿六箴

孝宗習射及引對羣臣裁決庶政之便座也崔端詩上
箴六首政令聽察用射

淳熙十箴

十六年春光宗登極右諫議大夫謝諤獻十箴一曰業難成而易敗宜兢兢保之二曰道甚簡易在尊所聞三曰畏天之威四曰存心公正五曰賞罰不可妄六曰獎廉戒貪七曰訪民疾苦八曰理財以義九曰姦諛生亂甚於夷狄十曰自治乃可理外 紹熙末寧宗受禪司農少卿劉光祖入對獻謹始五箴曰陛下新服厥命人皆望謹始於庶政臣獨願謹始於五事讀至思箴上曰要當從原頭用功對曰微臣千百言不如陛下原頭一

語致力于此則貌言視聽俱治矣 孫覺為昌王記室
王問終身之戒為陳諸侯之孝作富貴二箴



玉海卷五十九

欽定四庫全書

子部

玉海卷

六十
六十一

詳校官給事中_臣查善長

主事_臣祁韻士覆勘

總校官進士_臣朱 鈐

校對官修撰_臣吳錫齡

謄錄監生_臣胡先鳴

欽定四庫全書

玉海卷六十

宋 王應麟 撰

藝文

銘

碑

又見
紀功

銘名也觀器必也正名審用貴乎慎德

詩正義曰因其器名書以

為戒釋名曰述其功美使可稱名也

碑埤也上古封禪樹石埤岳宗廟

有碑樹之兩楹事止麗牲未勒勲績而庸器漸闕故

後代用碑以石代金同乎不朽

釋名曰臣子述君父之功美以書其上後

世因焉

湯盤銘 武王銘

見御製碑銘類

商銘

晉語郭偃曰商之衰也其銘有之曰嗛嗛之德不足就也不可矜而祇取憂也

周嘉量銘 楛矢銘

見弓矢

考工記臬氏為量其銘曰時文思索允臻其極嘉量既成以觀四國永啟厥後茲器維則疏圃器之上銘文在模上刻之

周金版銘 金人銘

文選劉孝標論聖賢鏤金版而鐫盤孟注太公金匱曰
屈一人之下申萬人之上武王曰請著金版 周書大
聚解第三十九維武王勝殷撫國綏民乃觀於殷政告
周公旦曰嗚呼殷政總總若風草周公曰聞之文考來

遠賓廣近有道別陰陽之利相土地之宜營邑制命之
曰大聚乃令縣鄙商旅曰能來三室者與之一室之祿

以一大夫
之祿耕

闢闢修道五里有郊十里有井二十里有舍

遠旅來至闕人易資舍有委市有五均早暮如一送行
逆來振乏救窮以國為邑以邑為鄉以鄉為閭五戶為
伍以首為長十夫為什以年為長合閭立教以威為長
合旅同親以敬為長鄉立巫醫具百藥以備疾災蓄五
味以備百草立勤人以職孤立正長以順幼立君子以

修禮樂立小人以教用兵立鄉射以習容云云旦聞禹
之禁春三月山林不登斧以成草木之長夏三月川澤
不入網罟以成魚鼈之長且以并農力勢成男女之功
則有生不失其宜萬物不失其性人不失其事天不失
其時以成萬財稱賢使能而賢歸之闕市平商賈歸之
分地薄歛農民歸之水性歸下民性歸利王若欲來天
下民先設其利而民自至譬之若冬日之陽夏日之陰
不召而民自來五德旣明民乃知常武王再拜曰允哉

乃召昆吾冶而銘之金版藏府而朔之

昆吾古之利治
月旦朔省之

六韜金板曰太公曰以賢者為人下何人不與文王

曰善請著之金板

家語孔子觀周入太祖后稷之廟

廟堂右階之前有金人三緘其口而銘其背曰古之慎

言人也

晉潘岳有兩階銅人訓

周穆王春山銘

穆天子傳天子觀春山之上乃為銘疏於玄圃之上以
貽後世天子升于奄山乃紀迹于奄山之石而樹之槐

眉曰西王母之山奄山即崦嵫山

一云紀名迹于弁山之石曰西王母之山

集仙錄曰刻石紀迹于弁山之上

山海經穆王至崑崙之丘眺鍾山

之嶺勒石王母之山紀迹玄圃之上

劉勰曰穆王紀

迹弁山之石亦碑之意

魯林鍾銘

宋正考父鼎銘

見鼎類

左傳襄十九年季武子以所得於齊之兵作林鍾而銘

魯功臧武仲曰非禮也夫銘天子令德

銘德不銘功

諸侯言

時計功大夫稱伐夫大伐小取其所得以作彝器銘其

功烈以示子孫昭明德而懲無禮也

注鑄鍾聲應林鍾因以為銘

詩傳作器能銘可以為大夫 韓非子先王之賦頌鍾

鼎之銘皆番吾之跡華山之博也 文心雕龍夏鑄九

鼎周勒楷矢令德之事也呂望銘昆吾仲山鏤庸器計

功之義也魏顆景鍾孔惺衛鼎稱伐之類也 事始靈

后氏象形篆以銘鍾鼎

晉景鍾銘

見樂器類

晉讒鼎銘 衛孔悝鼎銘

見鼎鼐類 庚信文維師尚父昆吾載寶鼎之銘王
命尸臣柎邑傳瑀戈之賜 呂氏春秋云功名著
乎盤盂銘篆著乎壺鑑 魯視豐碑衛銘烝彝
柎戈考篆魯鼎著銘 柎鼎悝銘之欵羽陵汲冢
之書

秦刻石名山文

漢藝文志春秋家秦奏事二十篇秦時大臣奏事及刻

石名山文也

始皇登山凡六刻石史記載其詞

孫何碑解曰管子稱

無懷氏封泰山刻石記功出自寓言

書正義曰管子書古之封太山者七

十二家夷吾所識十二而已其登封者皆刻石紀號

宣王石鼓或曰獵碣延陵墓

表俗目為夫子十字碑其事皆不經見始皇刻石頌德亦無勒碑之說古之為碑以識日景節賓揖麗祭牲

晉衛恒傳秦李斯工篆諸山及銅山銘皆斯書也

禹廟銘

後漢郡國志巴郡江州注杜預曰巴國也有塗山華陽

國志曰帝禹之廟銘存焉雍丘縣注引曹植禹廟讚

金石錄有禹廟碑在龍門 文中子宿禹廟觀其碑首

曰先君獻公所作也其文典而達

漢泗水亭碑

高帝紀十一年師古注引班固泗水亭碑 後郡國志

沛有泗水亭亭有高祖碑班固為文

并十八侯銘銘曰承累流裔襲唐末

風寸木尺土無俟斯亭水經注碑延熹十年立任彥升曰配天之迹存乎泗水之上素王之道紀於沂川之

側

漢四皓碑

文章緣起有漢惠帝四皓碑 高士傳高車山上有四

皓碑及祠漢惠帝所立

漢揚雄銘詩

古文苑雄為郎一歲作繡補靈節龍骨銘詩三章成帝

好之

方言 銘詩今亡 或曰繡補裯
禡之類 靈節靈壽杖 龍骨水車也

漢燕然山銘

見紀功類

紀嶠岷勒之罟頌嶧山銘燕然 螭蟠龜戴蟲篆鳥章

漢三鼎銘

水經注

睢陽縣

漢太尉橋玄廟碑陰有右鼎文建寧三年

拜司空又有中鼎文建寧四年拜司徒又有左鼎文光
和元年拜太尉鼎名文曰述公之行谷度體則文德銘
于三鼎武功勒于征鉞書于碑陰以昭光懿又有鉞文
稱是用鏤石假象作茲征鉞軍鼓陳之于東階亦以昭

公之文武之勲焉

石鼓仍存鉞
今不知所在

漢冠蓋里銘

水經注宜城縣有太山山下有廟漢末多士其中刺史
二千石卿長數十人朱軒華蓋同會於廟下荊州刺史
行部見之雅歎其盛號曰冠蓋里

國史志襄陽有冠蓋里

刻石銘

之其辭曰峨峨南岳烈烈離明寔數儁又君子以生惟
此君子作漢之英德為龍光聲化鶴鳴 宋伏曼容為
南海太守至石門作貪泉銘

漢李尤圍棋銘 馮衍車銘

藝文類聚李尤圍棋銘馮衍車銘杖銘刀陽銘刀陰銘

杯銘 太平御覽李尤博銘壺籌銘 文章流別傳李

尤為銘自山河都邑至于刀筆竿契無不有銘而文多

穢病 李尤集序尤好為銘讚門階戶席莫不有述

初學記馮衍席前右後右銘 文選注有馮衍爵銘

文章流別曰後世器銘之佳者有崔瑗几銘朱公叔鼎

銘王粲硯銘 周顯德六年王仁裕進回文金鏡銘

漢銘論

蔡邕銘論曰昔肅慎納貢銘之楛矢所謂天子令德也
黃帝有巾几之法孔甲有槃盂之誠殷湯有甘誓之勒
讒鼎有丕顯之銘武王踐阼咨于太師作席几楹杖器
械之銘十有八章周廟金人緘口書背銘之以慎言所
以勉于令德也呂尚作周太師封于齊其功銘于昆吾
之冶獲寶鼎于美陽仲甫有補袞闕式百辟之功周禮
司勳凡有大功銘之太常所謂諸侯言時計功也宋正
考父三命滋益恭而莫侮其國衛孔悝之祖莊叔隨難

漢陽左右獻公衛國賴之皆銘于鼎晉魏顥獲秦杜回
于輔氏銘功于景鍾所謂大夫稱伐也近世以來咸銘
于碑 文選漏刻銘注蔡邕銘論曰武王作席几楹杖
雜銘呂尚銘昆吾鼎黃帝有巾几之法孔甲有盤孟之
戒德非此族不在銘典 王簡栖碑注引銘論曰碑在
宗廟兩階之間近代以來咸銘于碑 晁公武曰蔡邕
所著文章百四篇今錄止存九十篇而銘墓居其半或
曰碑或曰銘或曰神誥或曰哀讚其實一也自云為郭

有石碑獨無愧辭則其他可知也

郭林宗陳仲弓碑見文選

魏九寶銘

典論文帝為三劔三刀三匕首因姿定名以銘其拊

此即

九寶其詳曰選茲良金命彼國工精而鍊之至于百辟以

為三劔三刀三匕首因姿定名以銘其拊惜乎不遇薛

燭青萍也其三劔一曰飛景長四尺二寸二曰流采長

四尺二寸三曰華鋌色似綵虹長四尺二寸其三刀一

曰靈寶長四尺二寸似靈龜二曰含章采似丹靈長四

尺四寸三曰素質長四尺三寸刀身而劍缺其三匕首
一曰清剛長二尺三寸色似堅冰二曰揚文長二尺一
寸重一斤六兩曜似朝日三曰龍鱗狀似龍文 文心
雕龍魏文九寶器利辭鈍 初學記文帝露陌刀銘
文選注典論有劍銘

魏寶器銘

見小學

晉衛恒傳魏氏寶器銘題皆韋誕書

晉劍閣銘

張載傳父收蜀郡太守太康初至蜀省父道經劔閣載以蜀人恃險好亂因著銘以作誠曰巖巖梁山積石峩峩遠屬荆衡近綴岷嶓南通邛郲北達褒斜狹過彭碣高踰嵩華惟蜀之門作固作鎮是曰劔閣壁立千仞窮地之險極路之峻世濁則逆道清斯順一人荷戟萬夫赳赳形勝之地非親勿居興實由德險亦難恃自古及今天命不易憑阻作昏尠不敗績公孫旣滅劉氏銜壁覆車之軌無或重跡勒銘山阿敢告梁益益州刺史張

敏見而奇之乃表上其文武帝遣使鐫之於劔閣山

隋文帝毀劔閣之路立銘垂戒 唐柳宗元作劔門銘

梁石闕銘

梁典天監七年正月戊戌詔曰今禮盛化光役務簡便
便可營建象闕以表舊章於是選匠量功鐫石為闕陸
倕吳郡人仕至太常卿詔使為漏刻石闕二銘冠絕當

世

二銘見文選 刻漏銘叙曰寧可多謝
曾水有陋昆吾金字不傳銀書未勒

唐醴泉銘

見地瑞類

魏徵

唐砥柱銘

二門勒銘

鐵戟銘

太宗紀貞觀十一年九月丁亥河溢壞陝州河北縣毀

河陽中潭幸白司馬坂觀之賜瀕河遭水家粟帛十二

年二月癸亥如河北縣觀底柱

書注底柱山名河水分流包山而過山見水中

若柱然在西虢之界

舊紀二月癸亥觀砥柱勒銘以紀功德

通典陝州硤石縣底柱山太宗命魏徵勒銘

或云銘乃特進魏徵

之辭有仰臨底柱北望龍門茫茫禹迹浩浩長源之語

命有司勒銘

會要十二年二

月幸河北縣勒銘底柱 地理志陝州峽石縣有底柱

山山有三門河所經太宗勒銘 十四年命正 平陸縣本

字薛純書之

河北太守李齊物開三門通漕得古刀有篆文曰平陸

天寶元年更名

齊物傳為陝州刺史開底柱通漕路發重石下得古鐵戟若鋒然銘曰平陸上

之詔以名縣

陝縣茅津貞觀十一年造浮梁又使丘行恭開

南渠

唐朝觀碑銘

崔融傳武后幸嵩高見融銘啓母碣歎美之及已封即

命銘朝覲碑梁昇卿工八分書東封朝覲碑為時絕筆
舊史負半千傳則天封中嶽半千撰封禪四壇碑十
二首以進

唐彝尊銘

崔渙傳亳州司功還調於是入判者千餘吏部侍郎嚴
挺之施特榻試彝尊銘曰子清廟器故以題相命

唐孔子廟碑

文選注沂水南有孔子舊廟漢魏以來列七碑二碑無

字

選注有尼父頌

會要大中五年十一月祭酒馮審奏孔子

廟堂碑太宗建立睿宗書額

金石錄武德元年十二月虞世南撰并書

唐棠棣碑

循吏傳賈敦頤永徽中遷洛州發姦擿伏下無能欺咸亨初弟敦實為洛州長史亦寬惠人心懷向始洛人為敦頤刻碑大市旁及敦實入為右庶子人復為立碑其

側故號棠棣碑

兩京記碑建於東都

唐泰華二山碑

安金藏傳玄宗屬其事於史官詔鑱其名於秦華二山
碑以為榮 通鑑開元二十年三月賜爵代國公於東
西嶽立碑以銘其功

唐韋丹刻功碑

韋丹傳憲宗時韋丹為江西觀察使計口受俸罷八州
冗食者教民陶瓦置南北市為營以舍軍築隄扞江長
十二里為陂塘五百九十八所灌田萬二千頃大和中
裴誼上言為丹立祠堂刻石紀功不報宣宗讀元和實

錄見丹政事卓然與宰相語元和治民孰第一

大中一年正月

周墀對臣嘗守江西韋丹有大功德被八州沒四十年

老幼思之不忘乃詔觀察使紇干泉上丹功狀命刻功

于碑

乙亥詔史館修撰杜牧撰遺愛碑推其子宙為御
史元和中韓愈為丹銘曰爰及江西功德俱全

子宙亦為江西觀察使
政簡易南方稱為世官

韓愈傳父仲卿為武昌令有

美政既去縣人刻石頌德

淳化公政銘

五年九月真宗以壽王尹京吳王元傑獻公政銘

元豐黃樓銘

陳師道撰

蔡邕銘論

見上

文心雕龍飛廉有石槲之錫靈

公有蒿里之謚

莊子博物志石槲銘云靈公奔之我里

趙靈勒跡

於番吾秦昭刻博於華山

趙主父令工施鈎梯而緣番吾刻疎人迹

其上而勒之曰主父嘗遊於此秦昭王令工施鈎梯而上華山以松栢之心為博勒之曰

昭王嘗與天神博於此

始皇勒岳政暴而文澤若班固燕

然之勒

見後漢書

張昶華陰之碣

見古文苑文選注有張昶

華山堂
闕銘

序亦盛矣蔡邕銘思獨冠古今橋公之鉞

吐納典謨

橋玄黃鉞銘
見藝文類聚

朱穆之鼎全成碑文

文庫
派別

云見

敬通雜器

馮衍
見上

準矐戒銘崔駰品物讚多戒

少李尤積篇義儉辭碎魏文九寶器利辭鈍唯張
載劔閣其才清采

事始無懷氏封泰山刻石紀功此碑之始述異

記崆峒山中有堯碑禹碣皆籀文檀弓注豐碑

斲大木為之形如石碑桓楹形如大楹祭義祭

之日牽牲入廟門麗于碑 聘禮賓自碑內聽命
又曰東面北上碑南 宮必有碑所以識日景知
陰陽也 孫何曰古所謂碑乃葬祭饗聘之際所
植一大木耳其字從石取其堅且久易之以石者
後儒所增耳六經所載無刻石之事又曰碑非文
章之名也蓋後人假以載其銘耳陸機曰碑披文
而相質則本末無據焉 王儉曰石誌不出典禮
宋元嘉中顏延之為王球石誌 歐陽公曰後漢

以來始有冢墓碑文門生故吏相與立碑頌德

頌

頌者容也所以美盛德而述形容也

朱文公曰頌容古字通

有焱氏頌

莊子天運篇北門成問於黃帝曰帝張咸池之樂於洞庭之野云云帝曰天機不張而五官皆備此之謂天樂無言而心說故有焱氏為之頌曰聽之不聞其聲視之不見其形充滿天地苞裹六極注此乃無樂之樂樂之

至也

孔子歌
氏之風

黃帝六德頌

類要黃帝妃嫫母訓宮人而有淑德奏六德之頌

黃帝龍袞頌

太平御覽夏侯玄辨樂論曰昔伏羲氏因時興利教民
田漁天下歸之時則有網罟之歌神農繼之教民食穀
時則有豐年之詠黃帝備物始垂衣裳時則有龍袞之
頌 拾遺記軒轅始造書契服冕垂衣故有袞龍之頌

文心雕龍帝學之世咸墨為頌以歌九招

虞樂頌

董仲舒傳虞氏不為政久矣然而樂頌遺風猶有存者是以孔子在齊而聞韶也

商名頌

魯語閔馬父曰正考父校商之名頌十二篇於周太師以那為首注名頌頌之美者鄭司農云自考父至孔子又亡其七篇故餘五那烈祖玄鳥長發殷武五篇十六

章百五十四句 史記襄公脩行仁義其大夫正考父

美之作商頌注裴駟引韓詩章句美襄公 樂記注商

宋詩

周成王冠頌

見冠禮類 家語冠頌

周文公頌

周語祭公謀父曰周文公之頌曰載戢干戈載櫜弓矢

詩正義時邁篇外傳引思文時邁皆言周文公之頌國

語云周文公之為頌曰思文后稷克配彼天此篇周公
所自歌與時邁同 春秋正義常棣之詩周公所作周
語曰周文公之詩 呂氏春秋周公旦乃作詩曰文王
在上於昭于天以繩文王之德 王褒講德論周公詠
文王之德而作清廟 史記樂書成王作頌推已懲艾
周頌三十一篇多周公所定魯頌四篇商頌五篇

漢高祖頌

高紀贊劉向頌高祖云漢帝本系出自唐帝降及于周

在秦作劉涉魏而東遂為豐公

志劉向賦
二十五篇

漢高祖著錄勲臣頌

祭遵傳博士范升上疏高祖著錄勲臣頌其德美 晉

陸機作漢高功臣頌自蕭何至侯公三十一人

漢孝景皇帝頌

志李思孝景皇帝頌十五篇

賦家

漢長安都國頌

淮南王安傳入朝獻頌德及長安都國頌每宴見談說

得失及方技賦頌

漢聖主得賢臣頌 中和樂職宣布詩

王褒傳宣帝修武帝故事講論六藝羣書博盡奇異之
好神爵五鳳間天下殷富數有嘉應上頗作歌詩欲興
協律之事益州刺史王褒欲宣風化於衆庶聞王褒有
俊才請與相見使褒作中和樂職宣布詩選好事者令
依鹿鳴之詩習而歌之時汜鄉侯何武選在歌中武等
學長安歌太學下轉而上聞宣帝召見武等觀之皆賜

帛謂曰此盛德之事吾何以當之褒既為刺史作頌又作其傳益州刺史因奏褒有軼材上乃徵褒既至詔褒為聖主得賢臣頌

唐志褒集五卷

漢甘泉洞簫頌

王褒傳太子喜褒所為甘泉及洞簫頌令後宮貴人左右皆誦讀之宣帝詔褒等之太子宮虞侍太子朝夕讀誦奇文及所自造 文選有洞簫賦 類聚有甘泉宮頌

漢碧雞頌

又見郊祀

文選劉孝標論注王褒碧雞頌曰持節使者王褒謹拜

南崖敬移金精神馬縹

一作剽

碧之雞云云歸來歸來漢

德無疆廣乎唐虞澤配三皇黃龍見兮白虎仁歸來歸來可以為倫歸來翔兮何事南荒

漢趙克國畫頌

趙克國傳以功德與霍光等列畫未央宮成帝時西羌有警上思將帥之臣追美克國乃召黃門郎揚雄即克

國圖畫而頌之曰明靈惟宣戎有先零先零猖狂侵漢
西疆漢命虎臣惟後將軍整我六師是討是震既臨其
域諭以威德有守矜功謂之弗克請奮其旅于罕之羌
天子命我從之鮮陽營平守節屢奏封章料敵制勝威
謀靡亢遂克西戎還師於京鬼方賓服罔有不庭昔周
之宣有方有虎詩人歌功乃列于雅在漢中興克國作
武赳赳桓桓亦紹厥後

漢列女傳頌

志劉向所序六十七篇新序說苑世說列女傳頌圖也

漢光武受命中興頌

東平王蒼傳顯宗永平十五年春行幸東平帝以所作

光武本紀示蒼

顯宗作光武本紀

蒼因上光武受命中興頌帝

甚善之以其文典雅特令校書郎賈逵為之訓詁 東

觀記上問校書郎此與誰等皆言類相如揚雄史岑

文選

東平齊聲於揚史

魏志昔唐叔歸禾東平獻頌

漢德頌

傳臨邑侯復

北海興王之子

永平中著漢德頌復子駟駘與從

兄平望侯毅並有才學毅元初元年上漢德論并憲論

十二篇

又曹朔作漢頌四篇

漢神爵頌

賈逵傳顯宗永平中

東觀記永平十四年

有神爵集宮殿官府冠

羽有五采色帝異之以問臨邑侯劉復復不能對薦逵

博學多識帝乃召逵問之對曰昔武王終文之業驚鷲

在岐宣帝威懷夷狄神雀仍集此胡降之徵也因敕蘭

臺給筆札使作神雀頌拜為郎

唐志達集二卷

論衡永平中

神雀羣集孝明詔上神雀頌百官上頌文比瓦石唯班

固賈逵傳毅楊終侯諷五頌金玉孝明覽焉 西域都

護班超獻大雀詔曹大家作頌 隋許善心亦有神雀

頌

漢顯宗頌

傅毅傳建初中肅宗博召文學之士以毅為蘭臺令史
拜郎中與班固賈逵共典校書追美孝明皇帝功德最

盛而廟頌未立乃依清廟作顯宗頌十篇奏之由是文

雅顯於朝廷

唐志毅集五卷

文選注引傅毅顯宗頌曰

蕩蕩川瀆既瀾且清又引杜篤衆瑞頌傅毅明帝

頌表 太平御覽引傅毅西征頌 晉袁宏見傅

毅作顯宗頌乃作頌九章頌簡文之德上於孝武

帝

漢四巡頌 廣成頌

章帝記建初七年冬十月癸丑西巡狩幸長安丙辰祠

高廟遂有事於十一陵以中牢祠蕭何霍光岐山得銅
器形似酒樽獻之又獲白鹿帝曰上無明天子下無賢
方伯斯器曷為來哉又幸長平御池陽宮每有所到幸
輒會郡縣吏人勞賜作樂十二月丁亥車駕還宮八年
十二月東巡狩幸陳留梁國淮陽潁陽元和元年八月
丁酉南巡狩詔所經道上無得設儲峙賜鰥寡孤獨人
不能自存者粟人五斛九月辛丑幸章陵祠舊宅冬十
月乙未進江陵詔廬江太守祠南岳又詔長沙太守祠

長沙定王春陵侯還幸宛十一月乙丑車駕還宮二年

二月丙辰東巡狩乙丑耕于定陶使使者祠堯於成陽

靈臺

成陽縣有堯母慶都墓

辛未幸泰山柴告岱宗有黃鵠三十

經祠壇進幸奉高壬申宗祀五帝於汶上明堂癸酉告

祀二祖四宗大會內外羣臣丙子赦天下復博奉高嬴

無出今年田租戊寅進幸濟南三月己丑進幸魯祠東

海共王陵庚寅祠孔子于闕里及七十二弟子賜褒成

侯及諸孔男女帛進奉祠陵四月乙卯還宮

帝東巡鳳皇黃龍并

集楊終贊頌嘉瑞上述
祖宗洪業十五章上之

三年正月丙申北巡狩辛丑帝

耕于懷二月戊辰進幸中山遣使祠北岳癸酉幸元氏
祠光武顯宗於縣舍正堂明日又祠顯宗於始生堂皆
奏樂三月丙子詔高邑令祠光武於即位壇復元氏七
年徭役辛卯還宮章和元年八月南巡狩幸梁沛彭城
壽春汝陰贊曰儒館獻歌謂崔駰游太學時上四巡等頌戎亭虛候
崔駰傳元和中肅宗始修古禮巡狩方岳駰上四巡頌
以稱漢德辭甚典美文多故不載帝嗟歎之謂侍中竇

憲曰卿寧知崔駟乎對曰班固數為臣言之然未見也
帝曰公愛班固而忽崔駟此葉公之好龍也試請見之

崔駟集有南北東西四巡頌

隋唐志駟集十卷

駟東封頌

曰伊漢中興三葉矩坤度以範物規乾則以陶鈞重雍
襲熙代增其德乘輿登大靈之威輅駕太一之象車升
九龍之華旗建掃霓之旌旄 班固數入讀書禁中每

行巡狩輒獻上賦頌

固有東巡南巡頌見類聚

張衡東巡誥惟二

月初吉帝將狩于岱岳展義省方備法駕屆靈宮是日

也有雙鳳集千臺壬辰祀上帝于明堂帝曰上帝有靈
不替朕命誕敢不祇承 馬融傳永初四年校書東觀

鄧太后臨朝俗儒以為文德可興武功宜廢遂寢蒐狩
之禮息戰陣之法故猾賊縱橫乘此無備融以為文武
之道聖賢不墜五材之用無或可廢元初二年前上廣成

頌以諷諫述蒐狩之義

廣成苑在今汝州梁縣西

延光三年東巡岱

宗融上東巡頌帝奇其文

唐志融集五卷

漢頌 從臣嘉頌

論衡宣漢篇觀杜撫班固等所上漢頌頌功德符瑞汪
濺深廣洶沛無量踰唐虞入皇域 西都賦采游童之
歡謠第從臣之嘉頌注宣帝頗好神仙王褒張子僑等
並侍詔所幸宮館輒為歌頌第其高下以差賜帛

漢孝竹頌

秦中記

一云述
異記

章帝三年子母筍生白虎殿前時謂之

孝竹羣臣獻孝竹頌

詩義曰南中生子
母竹今慈竹是也

漢百官頌

見樂舞類

漢高士頌

梁鴻傳仰慕前世高士而為四皓以來四十四人作頌

因東出關過京師作五噫之歌

唐志鴻集二卷

文選注引梁

鴻安丘嚴平頌曰無營無欲澹爾淵清 崔琦有四皓

頌

漢胡廣黃瓊圖畫頌

見圖繪名臣類

漢出師頌

文選史孝山出師頌西零不順東夷違逆乃命上將授
以雄戟威威上將是天所啓允文允武明詩悅禮鼓無
停響旗不斃寨澤霑遐荒功銘鼎鉉注涼部叛羌搖蕩
西州詔鄧隲將兵擊之車駕幸平樂觀餞送隲西屯漢
陽征西校尉任尚與羌戰大敗之遣中郎將迎拜隲為
大將軍既至大會羣臣賜以束帛乘馬流別集及集林
載史岑和熹鄧后頌并序

魏皇子生頌

初學記陳王曹植皇子生頌嘉月令辰篤生聖嗣慶由
一人方國作喜

魏宗廟詩頌

宋樂志魏王肅私造宗廟詩頌十二篇不被歌

晉太康頌

摯虞傳除聞喜令時武帝留心政道又吳寇新平天下
又安虞上太康頌以美晉德其辭曰云云邈矣聖皇參

乾兩離陶化以正取亂以奇洋洋四海率禮和樂穆穆
宮廟歌雍詠鑠光天之下莫匪帝略窮髮反景承正受
朔喬山惟嶽望帝之封猗歟聖帝胡不封哉

唐志虞集
十卷隋志

九卷

張載元康頌

見文選注

左貴嬪名芬帝重芬詞藻每

有方物異寶必詔為賦頌

晉釋奠頌

潘尼傳元康三年閏月丙申太子入學釋奠太子舍人
潘尼上釋奠頌其辭曰元康元年冬十二月上以皇太

子富於春秋而人道之始莫先於孝悌初命講孝經於
崇正殿至三年春閏月將有事于上庠釋奠于先師禮
也越二十四日丙申侍祠者既齊輿駕次于太學太傅
在前少傅在後云云

隋唐志尼
集十卷

晉袁宏三國名臣頌

袁宏傳為三國名臣頌荀文若諸葛孔明等二十餘人

見文選云序贊魏
九人蜀四人吳七人

又作北征賦皆其文之高者

隋志
宏集

十五

卷

梁儲德頌

梁書上黃侯蕭暉兼宗正卿簡文居監撫獻儲德頌

唐藉田三元頌

又見藉田元會類

岑文本傳貞觀三年太宗既藉田又元日朝羣臣

文本為秘書郎奏藉田三元頌二篇文致華贍

志文

本集六十卷

頌見初學記 晉劉臻妻陳氏正旦獻椒

花頌

唐釋奠頌

孔穎達傳太宗幸太學觀釋菜

貞觀十四年二月

命孔穎達講經

上釋奠頌詔褒美

穎達集
五卷

唐文皇帝頌

張文琮傳永徽初獻文皇帝頌

太宗

優制褒美賜絹百匹

時為亳
州刺史

顏師古有聖德頌

李百藥有皇德頌

見初
學記

唐孝德頌 狄仁傑頌

臨川公主上孝德頌高宗詔褒之

呂溫狄仁傑頌曰

取日虞淵洗光咸池潛授五龍夾之以飛世以為名言

又作凌煙
勳臣頌

唐洛出寶圖頌

崔融傳融為文華婉其洛出寶圖頌尤工

融集六
十卷

志

別集崔融寶圖贊一卷王起注

舊史富嘉謨作雙
龍泉頌千燭谷頌

唐龍池頌

宗子瑒傳

襄信
王

初帝賜第隆慶坊坊南之地變為池中

宗嘗泛舟厭其祥帝即位作龍池樂張九齡撰龍池頌

刊石興慶宮西天寶元年五月宗子以為不稱盛德更
命瑯為頌建花萼樓北 會要五王子宅景龍末有龍
池涌出日浸廣望氣者言有天子氣中宗泛舟厭之明
皇以為興慶宮開元二年詔右拾遺蔡孚獻龍池篇公
卿已下百三十篇付太常考其辭合音律者為樂章錄
姚元崇沈佺期等十首十六年置壇十八年十二月二
十九日有龍見于池敕太常韋縉草祭儀縉奏祭用二
月牲用少牢樂用鼓鍾奏姑洗歌南呂二十三年五月

一日宗子請於興慶宮龍池建聖德頌以紀符命望令

皇太子書張九齡為文寧王憲題額從之

舊紀開元二十三年五月

戊寅宗子請率月俸於興慶宮建龍池聖德頌

天寶二年五月五日重建褒信

王璆撰太子書題額

五行志開元二十三年十二月

乙巳龍池聖德頌石自鳴

集賢註記開元二十七年

四月光祿卿褒信郡王璆進龍池頌

建立訖梁上有黃芝之瑞

唐封禪壇頌

朝覲壇頌

並見封禪類

唐鵲鴿頌

見麟德殿

詩注

常棣

脊令雝渠也飛則鳴行則搖不能自舍

爾雅作鷓鴣左

同傳

唐金鑾殿奏頌

李白傳天寶初召見金鑾殿論事奏頌一篇

文苑英華云上宣唐

鴻猷篇上重之

唐慶鴻名頌

獨孤及撰唐興百三十有八載春正月請增明號二月

乙酉朝太清宮丙戌享太廟丁亥朝羣臣于蓬萊前殿

展禮奉策虔受大號穆穆闕宮敷時繹思天有成命孝
孫受之鋪衍下土報功神祇我瑞如山我福孔夷誕受
鴻名載揚緝熙風動雲行雨飛露垂恭已南面無為之
師永錫多祜萬壽無期

唐中興頌

文粹元結作大唐中興頌曰天寶四年安祿山陷洛陽
明年陷長安天子幸蜀太子即位於靈武明年皇帝移
軍鳳翔其年復兩京於戲前代帝王有盛德大業者必

見於歌頌今若歌頌大業刻之金石非老於文學者其
誰宜為頌曰噫嘻前朝孽臣姦驕為昏為妖邊將騁兵
毒亂國經羣生失寧大駕南巡百寮竄身奉賊稱臣天
將昌唐繫睨我皇匹馬北方獨立一呼千麾萬旗戎卒
前驅我師其東儲皇撫戎蕩攘羣凶復服指期曾不踰
時有國無之事有至難宗廟再安二聖重驩地闢天開
蠲除妖災瑞慶大來盛德之興山高日昇萬福是膺能
令大君聲容法法不在斯文湘江東西中直浯溪石崖

天齊可磨可鐫刊此頌焉何千萬年

金石錄顏真卿正書大曆六年六月

楊炎作鳳翔出師紀功頌

唐太階頌

文粹梁肅鄴侯李泌文集序至德初宣皇以元良受禪
公則獻太階頌昭纂堯之道

唐無疆頌

李華述列聖為無疆頌高祖

元太宗

烈高宗

康

中宗

興

睿宗

德

玄宗

文

肅宗

孝

今上

昭

唐親政頌

呂溫皇帝親庶政頌天道福謙我則奉天人生在勤我則率先求人之瘼思國之經年亦豐止御膳不馨夜如何其皇寢未寧偃武修文大和氤氲海不揚波天無纖氛鳥章之長椎髻之君會朝明庭其從如雲

唐新羅織錦頌

見內附類

唐驃國獻樂頌

開州刺史唐次

開寶聖功頌

太祖克澤潞下維揚湖湘得荆渚收劔南取嶺表及平

江左武功震耀開寶九年

丙子歲

正月

戊辰朔

受朝乾元殿

降王在列聲明大備知制誥扈蒙上聖功頌以述其事

赫矣昌運巍乎成功大荒夷夏高格旻穹始肅禋祀蒼

壁黃琮爰命將帥茲矢彤弓乃定湘楚乃服巴邛乃平

嶺表乃殄江東四隩旣宅八表攸同皇明所被如日之

融帝業之盛如嶽之崇六合之內其樂邕邕萬方之外
其來憧憧慕我慶澤熙我薰風闕里諸彥康衢游童咸
歌大化悉願東封耀德如是儲休永隆臣蒙作頌播告

寰中詔褒之

本傳

開寶武功仁德頌

二年十一月壬戌太常博士董淳進

太平興國南郊頌

三年王操獻南郊頌稱旨十一月己酉以為太子中允

太平興國平晉頌

四年五月甲申太原平直史館宋白從征因獻平晉頌

太平興國初刁衍撰聖德頌

端拱聖德頌

梁鼎端拱初獻聖德徽號頌萬餘言

端拱秘閣頌

端拱初新建秘閣命中書試崔遵度作頌一首擢著作

佐郎 太宗議封禪趙孚上封禪頌

咸平幸太學頌

劉錯咸平二年擢進士第嘗獻幸太學頌真宗中夜觀書得錯頌頗嘉賞之出以示輔臣召試直史館

景德五頌

夏竦進平邊廣文朝陵廣農周伯星五頌

并大中祥符頌

明

鎬上真宗頌四十六篇詔獎之

祥符頌

元年正月甲申以錢惟演知制誥獻祥符頌故擢之三

年一月壬辰直史館陳靖上祥符超古頌 又夏竦進

太中祥符頌

祥符河清頌

三年十一月庚子陝州靈寶縣言黃河清十二月庚戌
寶鼎縣黃河再清上作七言詩賜近臣畢和集賢
校理晏殊上河清頌 宋元嘉中河濟清鮑照作
河清頌

祥符汾陰朝覲壇頌

五年三月初命王旦撰祀汾陰壇頌王欽若撰朝覲壇頌陳堯叟撰親謁后土廟頌庚戌旦等以頌成進邑封

天禧惟德動天頌

元年十月丁卯集賢校理晏殊以歲經蝗旱上軫聖慮災沴已息稼穡大稔獻惟德動天頌詔褒之序曰雲漢興詠周宣厲兢業之懷雩場改祈漢明述哀戚之詔雨蝻墜地稔孽坐銷原菽魯生良苗自熟

天禧聖德頌

五年五月太常博士鄭向上

天聖文明頌

四年九月一日程戡進文明頌
二年胡宿作烈文即政頌

明道藉田頌
皇祐明堂頌

見藉田及明堂類

慶歷聖德頌

三年四月直講石介作慶歷聖德頌凡九百六十字言

進賢退姦之不易曰明與斷

宋頌

仁宗時石介甫取太祖太宗真宗仁宗功德之尤著見者為宋頌九篇一曰皇祖太祖初用師伐潞州殺李筠伐揚州滅李重進也二曰聖神太祖出師援長沙且假道徑遂取荆潭也三曰湯湯太祖收蜀取孟昶也四曰莫醜太祖用周渭之策命潘美取廣州也五曰金陵太祖命師取李煜也六曰聖文錢俶以吳越歸也七曰六

合雷聲太宗親征太原取劉繼元也八曰聖武戎犯我疆至于澶淵真宗親臨六師射殺戎首軍不得歸乞盟請和也九曰明道今皇帝獨臨軒墀聽決萬幾睿謨聖政赫然日新也惟帝之道與時語默靜則坤闔動則乾開十年深宮不有其權今日南面退姦進賢德與辭表裏功與文相埒然後奮為宏休摛為英聲昭為烈光曄曄曄如日之華鏗鏗訇訇如雷之行暢於無前揚於無上江浸海流天高地厚不有窮盡 張方平為宋

頌十五章上下二什天假之什八篇繫之先帝日

之初升之什七篇繫之今上

作於再臨軒
錄士之春

天假先

帝封岱薦謚告祖宗也大定祀烈祖也曰嗟祀太宗也報成告上帝上岱宗封也有北北鄙始賓也有謚上

帝天錫寶書也祈汾陰祀后土也龍登于天升陪京營祖廟也日之初升上始即政也天監有事南郊也民懷母后佑臨御也皇造祀真宗也有浚者泉大禘祖宗也載耜修千畝也成重民政也 宋祀有皇帝神武

頌

皇祐聖政惟公頌

皇祐手詔禁貴戚近習私謁王疇獻聖政惟公頌詔獎
之遂召試直秘閣

嘉祐裕享受釐頌

四年十二月十五日磁州防禦使承亮上裕享受釐頌
詔獎之 梅堯臣裕禮頌聖德詩曰溥哉孝享將事于
寧文武卿士冠劍在庭帝入靈宮左撞黃鍾升階置玉

日氣曠鴻鴻杲杲氣馭除掃宿于太宮月星皓皓

世滋進恭謝禮成頌

世準進鼎頌

皇祐中

紹興聖德頌 淳熙中興聖德頌

紹興十三年十一月一日王仲嶷上紹興聖德頌詔復
職 淳熙七年二月二十七日陳岩肖上中興聖德頌
宣付史館十年五月文林郎李揆上頌堯賦 孝宗初
崔端詩作紹隆聖德詩二百七韻具載二聖傳授之盛

淳熙明堂頌

見明堂

文心雕龍昔帝嚳之世咸墨為頌以歌九韶自商

以下文理允備頌主告神義必純美

文章流別論曰頌詩之美

者也魯以公旦次編商人以前王追錄斯乃宗廟之

正歌非饗讌之恒詠也

商頌非以成功告神其體異於周頌魯頌詠僖公功

德繞如變風之美者耳又與商頌異

至於秦政刻文爰頌其德

見史記

漢之惠景

李思孝景帝頌十五篇

亦有述容若夫子雲之表

克國

見漢書

孟堅之叙載侯

實

仲武之美顯宗

傅毅作顯

宗頌 十篇 史岑之述熹后流別集及集林載史岑和熹節后頌并序 或擬清

廟或範駟那至於班傅之北征西逝變為序引班固

傅毅竇將軍北征頌 又班固東巡南巡頌 馬融之廣成上林雅而似賦

見本 崔瑗文學蔡邕樊渠瑗南陽文學頌蔡邕京兆樊惠渠頌並見藝文類聚

後漢郡國志引 蔡邕作樊陵頌 陳思所綴以皇太子為標皇子生頌見初學記皇太

子頌見類聚 陸機積篇唯功臣最顯見文選 原夫頌惟典雅辭

必清鑠敷寫似賦而不入華侈之區敬慎如銘而異乎

規戒之域 文章流別論班固為安豐戴侯頌史岑為

出師頌和燾鄧后頌與魯頌體意相類揚雄趙克國頌
頌而似雅傳毅顯宗頌文與周頌相似而雜以風雅之
意若馬融廣成上林之屬純為今賦之體而謂之頌失
之遠矣

玉海卷六十